

Höcher nicht/ dann nach frem werth genommen vnd ausge-
geben werden/ vnd beuehlen hierüber / das alle vnser Ober
Heubt vnd Ambtleute/ Schössere/ Gleitsleute / Vorwalte-
re / Räte in Stedten/ vnd andere / so in vnser RentCam-
mer/ gebürende Renthe/ Zinse/ Gleidt / oder einige pflicht
vnd Gebühr/ zu antworten haben / das sie darauff achtung
geben/ vnd keine andere / grobe/ mittele/ oder kleine Mün-
ze/ dann die vnser / vnnnd die / so des heiligen Römischen
Reichs nawen Münkordenunge/ allenthalben am Schrot
vnd Korn/ gemes gemünket / inn vnsern ihnen beuohlenen
Embtern/ einnehmen/ ausgeben/ vnnnd inn vnser Cammer
antworten / Darnach wisse sich menniglich zurichten / vnd
vor schaden vnd straff zuhüten/ Vnd geschicht hiran / zu
deme / das es gemeinem nuke zu gutem gereicht / vnd vnserer
Lande notturfst erfordert / vnser ernste vnnnd zuuorlessige
meinunge. Des zu vrkundt mit vnserm Secret zu
ende besigelt / Vnnnd geben zu Dresden
den 20. Junij / Anno 1569.

